



醫方選要卷之九目錄

咽喉口齒門 附論

升麻散

清咽利膈湯

甘桔湯

玄參升麻湯

牛旁子湯

清胃散

獨活散

犀角升麻湯

柳花散

甘露飲

解毒雄黃圓

二聖散

千兩金圓

絳雪

上清圓

一字散

牢牙散

蟾酥圓

香鹽散

宣風牢牙散

雄黃散

牙疼神効方

碧玉散

玄參散

玉粉圓

奪命無憂散

射干湯

如神散

如聖湯

金鎖匙

救命散

漱口玉池散

祕方揩牙散

麝香白牙散

草烏頭散

麝膠散

鶴蝨散

安腎圓

取牙不犯手

癰疽瘡癤門

附論

內補十宣散

五香連翹湯

內托千金散

漏蘆湯

十六味流氣飲

托裏榮衛湯

托裏溫中湯

黃芪人參湯

升麻和氣飲

當歸飲子

九珍散

神效托裏散

內疎黃連湯

乳香止痛散

竹葉黃芪湯

榮衛返魂湯

千金托裏散

復元通氣散

四聖散

雙解散

薏苡仁湯

涼血飲

射干湯

連翹飲

散腫潰堅湯

赤芍藥湯

神仁追毒圓

苦參圓

麝香輕粉散

內固清心圓

拔毒消腫藥

烏龍膏

雞清散

神仙太乙膏

追毒萬應鍼頭圓

托裏護心散

神仙蠟礬圓

猪蹄湯

返魂湯

生肌紅玉散

十四味臙瘡膏

如聖散

神異膏

苦參湯方

治漏瘡

飛龍奪命丹

立馬回疔丹

隔紙膏

神效當歸膏

蛤粉散

雞黃油

南星膏

桔梗湯

四順湯

黃蠟膏

摩風膏

天南星膏

神異膏

金絲萬應膏

祕方善應膏

援生膏

神功散

是齋立應散

薄荷丹

金線錠子

一掃光

醫方選要卷之九目錄

畢

醫方選要卷之九

咽喉口齒門

良醫副臣周文采編集

夫咽喉者一身之總要氣與食出入之門戶也咽以納氣故咽氣通於天喉以納食故喉氣通於地自其風邪客於喉間氣鬱而熱則壅遏而為咽疼自其熱氣生於肺胃風毒蘊隆則腫結而為喉痺又有尸咽穀賊之證尸咽者陰陽不和脾肺壅盛風熱毒氣不能宣通故令尸蟲發動上蝕於喉或癢或疼如嚙之候也穀賊者稻芒強澁藏於米而誤食之滯於咽間不能傳化故風熱併聚與血氣搏遂令腫刺如咽噎

之生穀刺也胃脘實執薰灸上焦發爲白頭赤根固
有咽瘡之證臟腑停寒寒則氣縮如物窒礙於其間
亦有喉痺之證至若懸癰生於上腭雖不關於咽喉
所以暴腫者抑亦熱氣使然也咽喉懸癰關要所係
病不急療皆能殺人夫咽喉爲病其名甚多有一十
八種之證惟乳蛾纏咽風走馬喉痺最爲緊急單蛾
者其形圓小如筋頭生於咽喉關上或左或右雙蛾
則兩邊俱生也若生於關下爲難治纏喉風者熱結
於喉腫遠於外且麻且痒腫而大也走馬喉痺者謂
喉痺急甚其死又速故名走馬也治療之法微者可

以鹹軟之大者可以辛散之或去風痰或解熱毒至
如走馬喉痺其死生如入反掌之間耳豈待藥之緩
不及救耶其最妙者莫如用針針出毒血病即時愈
若纏喉風腫甚藥不能下者以藥灌鼻中令吐之外
以拔毒之劑敷之熱退腫消必自愈矣亦有陰證下
虛亦能令人喉痺又當治其下寒則痺自通矣不可
不知若夫口者脾之竅齒者腎之標諸經多有會於
口者其齒牙是也蓋五味入口藏於胃脾爲之運化
津液以養五氣五氣者五臟之氣也節宣微爽五臟
之氣備勝由是諸疾生焉故口臭者乃臟腑臱腐之

氣蘊積於曾臆之間而生熱衝發於口也口瘡者脾氣凝滯加之風熱而然也治之當清胃瀉火是也若夫齒者受病實多有因胃熱而痛者有因風邪而痛者有蟲痛者有腎虛者大抵齒多屬手足陽明二經胃熱火旺之故且齒者骨之精華骨乃腎之所主外板則為牙內床則為齒人腎氣強則齒自堅衰則齒必為痛也其有胃熱者則齒動搖縫中出血或臭穢不可近或齒自踈落皆陽明經熱也治法當審其何部胃熱者瀉其火腎虛者補其水風者祛而散之蟲者毒而取之在乎活法而施治之可也

升麻散 治咽喉腫痛上膈壅熱口舌生瘡

升麻 人參 乾葛 赤芍藥

桔梗 去蘆各二錢 甘草 一錢

右作一服用水二鍾生薑三片煎至一鍾食後熱服

清咽利膈湯 治咽喉腫痛痰涎壅盛

防風 荊芥 薄荷 桔梗

黃芩 黃連 各一錢半 山梔 連翹

玄參 大黃 朴硝 牛蒡子

甘草 各七分

右作一服用水二鍾煎至一鍾食遠服

甘桔湯 治風痰上壅咽喉腫痛吞吐如有所礙

苦桔梗 五錢 甘草 一兩

右作一服水二鍾煎至八分食後熱服

玄參升麻湯 治咽喉妨悶會厭喉腫舌赤

玄參 殭蠶 甘草 鼠黏子 各七分

桔梗 連翹 各一錢 升麻 黃連 各一錢二分

防風 五分 黃芩 八分

右吹咀作一服用水二鍾煎至八分稍熱噲漱時時

細嚥之即愈

牛旁子湯 治風熱上攻咽喉腫痛或生癰瘡如有肉

巒

玄參 升麻 桔梗 炒 牛旁子 炒

犀角 鎊 黃芩 木通 甘草 各一錢

右吹咀作一服用水二鍾生薑三片煎至八分食後服一方無犀角有羌活

清胃散 治因服補胃熱藥致使牙斷上下疼痛難忍牽引頭腦滿面熱發大痛足陽明之別絡於腦喜寒惡熱乃手足陽明經中熱盛而作痛也

牡丹皮 升麻 各一錢 當歸 生地黃

黃連 各一錢

右作一服用水二鍾煎至八分食遠服

獨活散 治風毒牙疼牙根腫痛

川芎

獨活

羌活

防風

各一錢

細辛

荆芥

薄荷

生地黄

各五分

右咬咀用水二鍾煎至八分食後稍熱漱牙徐徐嚥之

犀角升麻湯

治陽明經受風熱口脣頰車連牙腫痛

犀角

二錢

升麻

一錢半

防風

羌活

各一錢

川芎

白芷

黃芩

白附子

各七分

甘草

五分

右咬咀作一服水二鍾煎八分食後漱而服之

柳花散 治口舌生瘡

延胡索

黃蘗

黃連

各半兩

青黛

蜜陀僧

各二錢

右為細末每用少許傅貼瘡上有津液吐去再用

甘露飲 治男婦小兒胃中客熱牙宣口氣齒斷腫爛

時出膿血及口舌生瘡咽喉腫痛又療脾胃受濕痰

熱在裏或醉飽多勞濕熱相搏致生疸病身面皆黃

肢體微腫大便不調小便赤澁或時身熱

枇杷葉

拭去毛

熟地黄

天門冬

去心

枳殼

麩炒

茵陳

生地黄

麥門冬去心

石解

黃芩各一錢

甘草炙五分

右以咀作一服用水二鍾煎至一鍾食後溫服

解毒雄黃圓 治纏喉風急喉痺卒然倒仆失音不語

牙關緊急不省人事并小兒喉龍赤腫及驚熱痰涎

壅盛並宜服之

鬱金一錢

巴豆十四箇 去皮油

雄黃二錢半 研飛

右為細末醋糊圓如菉豆大每服七圓用熱茶清送下吐出頑涎立甦未吐再服如牙關緊閉灌藥不下者以刀尺鐵匙斡開口灌下

二聖散 治纏喉風急喉痺

鴨嘴膽礬二錢

白殭蠶炒五錢

右為末吹入少許於喉中立驗

千兩金圓

蚶蜆草嫩者五錢 銅青五錢

大黃用錦紋好者 牙硝各五錢

右為末以白梅肉爛研一處搗勻每一兩作五圓以新綿裹噙化嚙津有頑涎吐出大治喉風不問陰陽內外急難證腫塞真起死迴生之藥也

絳雪 治纏喉腫痛嚙物妨礙及口舌生瘡

片腦半字 蓬砂一錢 辰砂三錢 馬牙硝

寒水石 各二錢

右為細末研勻每用一字摻於舌上津液嚥之或吹入喉中亦可

上清圓 治咽喉腫痛痰涎壅盛

薄荷 一斤 川芎 防風 各二兩 桔梗 五兩

砂仁 半兩 甘草 四兩

右為細末煉蜜和圓如皂角子大每服一圓不拘時

噙化

一字散 治喉閉氣塞不通飲食不下者或咽喉疼

雄黃 二錢半 另研 蠟稍 七枚 白礬 生研 藜蘆 各二錢

猪牙皂角 七錢

右為細末每用一字吹入鼻中即時吐出頑涎即愈一方無蠟稍亦治時氣纏喉風累用救人萬無一失

牢牙散 治一切牙齒疼痛

全蠍 七箇 去毒 細辛 三錢 草烏 三箇 去皮 乳香 二錢 另研

右為細末每用少許擦患處須臾鹽湯漱之

蟾酥圓 治牙疼不可忍

蟾酥 一字 生附子 大二豆 巴豆 一粒 去殼研

麝香 研少許

右為細末蒸餅糊為圓如棗豆大以新綿裹一圓咬

痛處有涎吐之

香鹽散 常用治蟲牙去風熱蛙齧宣露一切齒疾

香附子

炒黑四兩

青鹽

二兩

右二味為細末每日如常法擦牙妙

宣風牢牙散 此藥注頰堅腎牢牙齒

青鹽

細辛

各七錢

川芎

當歸

酒浸焙各一兩

右為末每用小許清晨擦牙漱滿口連藥嚥之

雄黃散 治諸般風腫牙疼

雄黃

細辛

青鹽

石膏

良薑

草撥

胡椒

各等分

麝香

少許

右為極細末早晚搽於牙上漱三五次吐出再搽

牙疼神効方

用蛇床子煎湯稍熱頻頻漱之立効

碧玉散 治心脾積熱上攻咽喉腫痛閉塞水漿不下

若或喉痺舌腫脹皆可服

青黛

益硝

蒲黃

甘草

各等分

右為細末研勻每用小許次入咽喉內細細嚥下若

作圓用砂礬為圓每兩作五十圓每服一圓噙化嚥

下

玄參散 治懸壅腫痛不可忍

玄參

升麻

射干

大黃

各一錢半

甘草

一錢

右作一服用米二鍾煎至一鍾不拘時緩緩噙服
玉粉圓 治冬月寒痰咽喉不利語音不出鍼經云寒

氣客於會厭卒然如瘞宜服

官桂

草烏

各二錢半

半夏

湯洗五錢

右為細末生薑自然汁浸蒸餅和圓如芡實大每服
一圓至夜噙化多年不愈者並皆治之

奪命無憂散

一名玉屑無憂散

治纏喉風咽喉疼痛風涎壅

盛口舌生瘡心腹脹滿脾積癥塊小兒疔癖誤吞骨

屑硬塞不下熱盛喉閉涎滿氣急悶亂不省人事並
皆治之

寒水石

二兩煨

玄參

貫衆

縮砂仁

去殼

滑石

研

黃連

去毛

茯苓

山豆根

荆芥

甘草

炙各半兩

蓬砂

二錢

右為細末每服一錢乾摻舌上後以新汲水嚥下不
拘時任是百毒硬物可以除化如喫着巴豆杏仁辛
辣薑桂胡椒燥毒蔥韭蒜等物及諸藥毒火毒亦可
用此藥每服半錢能潤三焦消五穀除三尸去八邪
殺九蟲趕瘟疫專醫渴疾其効如神魯直號金臺玉

簡方

射干湯 治喉閉腫塞不通疼痛不下飲食并諸毒發動

射干

白芷

當歸

切焙各一兩

杏仁

湯浸去皮尖雙仁炒

升麻

犀角

鎊

甘草

炙各半兩

右咬咀每服三錢匕水一盞煎七分去粗不拘時溫服日三忌海藻菘菜

如神散 治咽喉一切急患不得開

雄黃

藜蘆

玄參

白殭蠶炒

白礬

生用各二錢

乳香

一字

右為細末研勻每用一字兩鼻內嗅之口含水及舌

下擦嚏出涎立効

如聖湯 治痰去熱利咽喉治咽中有瘡嚙物不下及

咳嗽咯血肺痿痰唾氣促并小兒瘡疹毒攻咽喉腫

痛

麥門冬

半兩

牛旁子

炒

桔梗

甘草

生用各一兩

右為細末沸湯調細細服入竹葉煎尤妙

金鎖匙 治咽喉腫塞

雄黃

研末半分

巴豆

一粒去油

右作一服用生薑自然汁調灌下或吐或利皆愈

方細研每遇急患不可鍼藥者用酒瓶裝灰至瓶嘴
下裝火一炷焚藥候煙起將瓶嘴入一邊鼻中以紙
覆瓶口熏之愈

救命散 治脾胃熱毒上攻咽喉有瘡并纏喉風

膩粉 三錢

五倍子 一分

大黃 剉炒

白殭 麩炒

黃連 去鬚

甘草 生各半兩

右為細末每服一字大人以竹筒吸之小兒以竹筒
吹之如餘毒攻心肺咽有瘡用男孩兒妳汁調藥一
字以雞翎探之嘔者生不嘔者死

漱口玉池散

治風蛀牙疼腫痒動搖牙齒斷潰爛宣露

出血口氣等疾

當歸

川芎

防風

白芷

藁本

細辛

升麻

地骨皮

槐花

甘草 各等分

右作一服用水二鍾黑豆三十粒生薑二片煎至一
鍾去粗不拘時漱口吐去

祕方揩牙散 治牙齒疼痛遇冷熱痛者

良薑

細辛

胡椒

草烏尖 各等分

右為細末每用少許擦牙疼處噙良久有涎吐去
麝香白牙散 治牙疼牙宣口臭

麝香 少許

石膏 半斤

細辛

疾藜 各一兩

三柰

青鹽 炒各半兩

丁香

檀香

甘松

白芷 各三錢

右為細末研勻以指蘸些少擦牙加川芎半兩尤妙

草烏頭散 治牙齒疼痛

草烏頭 米泔浸一宿去粗皮切作片炒一兩

五靈脂

高良薑

白僵蠶

萹撥

細辛 去苗各半兩

乳香 另研一錢

右為細末研勻每用一字擦牙合口少時去涎盡以

鹽湯漱以吐去

麝膽散 治走馬牙疳危惡疾

麝香 少許

膽礬 一錢

銅綠 半兩

白礬 生用一分

右為細末研勻上擦牙蝕處

鶴蟲散 治牙齒風疔膿血出牙根有蟲

鶴蟲

露蜂房 燒灰

細辛 各半兩

膩粉

麝香 細研各一分

右為細末研勻每用臨睡時剪紙如柳枝葉樣塗藥

貼所患處一方以濕帛子摻藥貼患處

安腎圓 治虛癰牙齒浮腫疼痛

桃仁 麩炒

肉苁蓉 酒浸

破故紙 炒

乾山藥

石斛 去根

白蒺藜 炒去刺

川草薺

川烏 炮去皮尖

巴戟去心

白朮各等分

右為細末煉蜜和圓如梧桐子大每服七十圓空心用鹽湯送下

取牙不犯手

草烏

萆撥

各一兩半

川椒

細辛

各三兩

右為細末每用少許搯患牙內外其牙自落

癰疽瘡癤門

夫癰疽瘡癤其名甚多然各有形癰者大而高起屬乎陽六腑之氣所生也疽者平而內發屬乎陰五臟之氣所成也瘡者其總名也癤者有頭小瘡也經云諸痛痒瘡皆屬心火蓋心主血而行氣氣血凝滯挾心火之熱而生癰疽之類也然所感有淺深故所發有陰陽輕重大小之不同耳六腑積熱騰出於外肌肉之間其發暴甚腫皮光軟侵袤廣大者癰也五臟風積熱攻焮於肌骨風毒猛暴初生一頭如痞癰白色焦枯觸之應心者疽也發熱於皮膚之間是以浮

腫根小至大不過二三寸者癰也夫癰發於六腑若
燎原之火外潰肌肉疽生於五臟沉澁難療若陶室
之燧內消骨髓癰則易療惟難將息而遲瘥疽則難
療易得痊復夫癰與癰初生並宜灸之謂其氣本浮
達以導其熱令速暢也疽則宜烙不宜灸謂其氣本
深沉須達其原也凡瘡疽生於外皆由熱毒蘊於內
明乎此一者腫毒丹癰可以類推矣諸瘡之中惟背
疽疔瘡最為急證其初發也或先熱而後惡寒或先
痒而後作痛若其不痛最為惡候且如背瘡始生如
粟粒纔有覺時便用艾於痛處灸之痛則灸至痒痒

則灸至痛使毒氣隨火而散最為良法若失之於初
其瘡已成又當審其虛實寒熱淺深而治之至於疔
瘡其名甚多必發於手足之間初生黃泡其中或紫
黑色有一條如紅絲直二倉卒之際急宜以針於紅
絲所經之處刺出毒血然後以蟾酥等藥於正瘡上
塗之針時以病者知痛出血為好否則紅絲入腹必
致危殆至若癰癰項疽懸癰諸瘡之類皆由七情怫
鬱積熱於內而發也治之當流氣活血解毒散熱推
膿內托必使氣血宣通熱毒外散然後可也其他如
疥癬癰瘡風瘡濕毒之類亦當隨證按方治之此特

述其大略也欲求其瘡之名證與夫治法之詳備則
有外科精義精要等書在焉

內補十宣散 治一切癰疽瘡癤未成者自然消之已
成者能令速潰凡瘡痒者多是血虛此藥最能消風
生血

人參 去蘆

黃芪

當歸 各一錢半

厚朴 薑汁炙

川芎

桔梗 去蘆

防風 去蘆

桂心 去皮

白芷

甘草 生用各七分半

右作一服水二鍾煎至八分食遠服

五香連翹湯 治諸瘡腫初覺一二日便厥逆咽喉寒

發寒熱及一切惡瘡結核癩癰癰疽並治之

乳香

木通

大黃 銹

連翹

沉香

木香 不見火

獨活

桑寄生

丁香

射干

升麻

麝香

甘草 各七分

右作一服用水二鍾生薑三片煎至一鍾不拘時服

內托千金散 治腦背癰疽乳硬等惡瘡

白芷

人參

當歸

黃芪

川芎

防風

甘草

桔萸仁

為藥

官桂

桔梗

金銀花

右作一服用水二鍾煎至七分入酒半鍾再煎三五沸去粗溫服如痛甚倍加當歸芍藥又加乳香日進三服瘡口內有黑血出或遍身汗出皆藥之效也

漏蘆湯 治癰疽發背丹毒惡腫時行瘰癧目翳吹妳及無名一切惡瘡與五香連翹湯兼服尤妙

漏蘆 麻黃 升麻 赤芍藥 甘草生 白欬 白芨 枳殼米泔浸各一錢

大黃二錢

右作一服用水二鍾煎至八分不拘時熱服如熱盛而大便閉者加芒硝服之

十六味流氣飲 治無名惡瘡癰疽等證

川芎 當歸 芍藥 防風

人參 木香不見火 黃芪 官桂

桔梗 白芷 檳榔 厚朴

烏藥 紫蘇 枳殼 甘草已上各八分

右作一服用水二鍾煎至一鍾食遠服

托裏榮衛湯 治癰疽疔瘡及無名腫毒

桂枝七分 人參 黃芪 紅花

蒼朮 柴胡 連翹 當歸身

羌活 黃芩 防風 甘草已上各一錢

右作一服用水二鍾酒一鍾煎至一鍾食前服

托裏溫中湯 治諸瘡為寒變而內陷者膿出清解皮

膚涼心下痞滿腸鳴切痛大便微溏食則嘔氣短吃

逆不絕不得安卧時發昏憤

附子炮去皮 臍二錢 乾薑炮 羌活各一錢 丁香

沉香 木香不見火 茴香 陳皮

甘草炙各一錢

右作一服用水二鍾生薑五片煎至一鍾食遠服

黃芪人參湯 治諸瘡破後食少無睡及有虛熱穢氣

所觸者

黃芪 白木 麥門冬

蒼木泔洗 陳皮 升麻 五味子

當歸 黃蘗炒 甘草炒 炒麩五分

右作一服用水二鍾煎至一鍾食遠服

升麻和氣飲 治瘡腫諸毒疥癬痒痛

升麻 桔梗 蒼木 乾葛

甘草 大黃根各一錢 陳皮二錢 當歸

半夏 茯苓 白芷 乾薑炮

枳殼各五分 芍藥一錢

右作一服用水二鍾煎至一鍾食遠服

當歸飲子 治瘡疥風癬濕毒燥痒

當歸

川芎

芍藥

生地黄

防風

疾藜

荆芥

何首烏

黃芪

甘草

各一錢

右作一服用水二鍾煎至一鍾食遠服

九珍散 治一切癰疽腫毒因氣壅血熱而生者

川芎

當歸

赤芍藥

生地黄

白芷

大黃

枯藁實

黃芩

甘草

各一錢

右作一服用水二鍾酒半鍾同煎至一鍾食遠温服

婦人乳癰尤宜服之

神効托裏散 治癰疽發背腸癰疔癰無名腫毒炊作

疼痛增寒發熱不問老幼虛人並治

忍冬葉

去梗

黃芪

各三錢

當歸

七分半

甘草

五分

右為粗末作一服用酒二盞煎至一盞隨病上下食前後服後留粗外敷

內疎黃連湯 治諸瘡皮色腫硬發熱而嘔大便閉脉

洪實者

黃連

當歸

芍藥

檳榔

木香

不見火

黃芩

梔子

薄荷

桔梗

甘草

各一錢

連翹

大黃

各二錢

右作一服用水二鍾生薑三片煎至一鍾食遠服

乳香止痛散 治一切瘡腫疼痛不止

乳香

沒藥

各一錢

丁香

不見火五分

粟殼

白芷

陳皮

甘草

各二錢

右作一服水二鍾煎至一鍾食遠服

竹葉黃芪湯 治發背渴甚通治諸瘡大渴

竹葉

半錢

生地黃

二錢

麥門冬

黃芪

當歸

川芎

甘草

黃芩

芍藥

人參

半夏

石膏

已上各七分半

右作一服水二鍾煎至一鍾食遠服

榮衛返魂湯

治流注癰疽發背傷折非此不能効至

於救壞病活死肌弭患於未萌之前拔根於既愈之

後中間全君臣佐使如四時五行更相迭旺真神仙

妙劑隨證加減其効無窮何則此藥大能順氣勻血

故也

何首烏

不犯鐵

當歸

酒洗

木通

赤芍藥

白芷

不見火

茴香

炒

烏藥

炒

枳殼

麩炒惡薑汁炒

甘草

各等分

右方止此九味各等分以咀每服五六錢或酒或水

隨證煎服或為末每服三錢酒湯任下病在上食後服病在下食前服若流注加獨活其他癰疽疔腫隨證虛實寒熱斟酌加減無不愈矣

千金托裏散 治一切癰腫發背疔瘡

黃芪 一兩半

厚朴 製

防風

桔梗 各二兩

川芎 一兩

白芷 一兩二錢

連翹 二兩二錢

芍藥

官桂

甘草

人參 各一兩

木香 不見火

沒藥 各三錢

乳香 二錢

當歸 五錢

右咬咀每服五錢用水一盞酒一盞煎至一盞不拘時服或為末每服三錢酒一盞煎三五沸服亦可

復元通氣散 治發乳癰疽一切腫毒

木香

茴香

青皮

穿山甲 酥炙

陳皮

白芷

甘草 各一錢

貝母 去心

漏蘆 各一錢二分

右作一服用水一鍾半煎至八分入酒一小鍾食遠服或為末酒調二錢服亦可

四聖散 治便毒初起發寒熱服之即愈

栝蒌實 去殼

大黃

木鼈子 去殼

白殭蠶 各三錢

右咬咀作一服用酒一鍾水一鍾煎至一鍾食遠熱服被蓋得汗為妙一方無栝蒌實有貝母

雙解散 治便毒內蘊熱氣外挾寒邪精血交錯腫結
疼痛

辣桂

大黃

芍藥白

澤瀉

牽牛炒搗破

桃仁去皮尖各一錢半

甘草四分

乾薑七分

右咬咀作一服用水二鍾煎至八分食前服

薏苡仁湯 治腸癰腹中疔痛煩毒不安或脹滿不食

小便澀婦人產後虛熱多有此病縱非是癰證疑似

間便可服

薏苡仁三錢

牡丹皮

桃仁去皮尖炒各二錢

枯葶仁二錢

右咬咀作一服水二鍾煎至八分去粗食前溫服

涼血飲 治心癰乃心肺有熱或作寒熱口乾好飲水

渾身疼痛內熱頭面赤

木通

瞿麥

荊芥

天花粉

薄荷

白芷

甘草

麥門冬去心

芍藥

山梔

連翹

生地黄

車前子銛一

右咬咀作一服用水一鍾竹葉二十片燈心二十莖

前至一鍾不拘時服如虛弱及年老加當歸羌活煎

射干湯 治胃脘壅熱成癰腐壞成膿身皮甲錯欬嗽

膿血

射干

錢各一

山梔子

赤茯苓

升麻

錢各一

赤芍藥

二錢

白朮

一錢

右以咀作一服用水一鍾煎至八分入地黃汁一合
蜜少許食遠温服

連翹飲 治諸惡瘡痛痒不定心煩口乾石婦人血風

紅斑圓點開爛成瘡流黃汁

川芎

當歸

芍藥

生地黃

防風

荆芥

連翹

牛旁子

炒研

山梔

黃芩

瞿麥

栝蒌根

木通

甘草

麥門冬

去心

各八分

右作一服用水二鍾燈心二十莖煎至一鍾不拘時

服

散腫潰堅湯 治馬刀瘡結硬如石或在耳下至缺盆

中或至肩上或於脇下皆手足少陽經中及瘰癧遍

於頰或至頰車堅而不潰在足陽明經中所出或二

瘡已破乃流膿水及生癭瘤大如升久不潰消者並

皆治之

知母

黃蘗

昆布

栝蒌根

桔梗

廣茂

三稜

連翹

升麻

黃連

芍藥

葛根

當歸

用稍

柴胡

甘草

各半

草龍膽

洗炒

黃芩

一錢半用稍一半
酒洗一半生用

右以咀每服七錢用水二鍾先浸多半日煎至一鍾去粗熱服於臥處伸足在高處頭微低每噲一口作十次嚥至服畢依常安臥取藥在胃中停畜故也另攢一料為細末煉蜜圓如菉豆大每服一百圓或百五十圓此藥湯留一口下更加海藻半兩炒

赤芍藥湯

治一切疔瘡癰疽初覺增寒疼痛

金銀花

赤芍藥

錢各二錢

大黃 二錢
枳殼 炒各一錢
栝蒌 半箇

當歸

甘草

枳殼

炒各一錢

右以咀作一服用水一鍾酒一鍾煎至一鍾不拘時服

神仙追毒圓

又名聖授丹又名神仙解毒萬病圓

能解一切毒如被狐狸

毒鼠莽毒惡菌河鮑毒食疫死牛馬肉毒或蛇犬惡蟲所傷又治癰疽發背及療魚臍瘡人多不識喚作癰疽致命殺人者及治諸風癩癬赤腫瘤等

文蛤

一名五倍子
洗焙淨秤三兩

山茨菰

去皮淨

千金子

一名續隨子去殼
研去油取霜秤一兩

紅牙大戟

去蘆洗淨焙乾秤一兩半

麝香

二錢另研

右除千金子麝香外三味為細末却入研藥令勻用

糯米煮濃飲爲圓分爲四十粒每服一圓研生薑薄
荷汁并華水研服乾薄荷濃煎湯冷磨服亦佳通利
一兩行無妨只用溫白粥止佳合時宜用端午七夕
重陽日合或過天德月德日亦佳合時要在淨室焚
香至誠脩製毋令婦人雞犬見効驗不可具述宜玆
藏之喻良能云裴丞相傳此以爲濟世衛生之寶凡
人居家或出入不可無此藥如毒藥最多若遊宦領
表纔覺意思不快便服之即安二廣山谷間有草曰
胡蔓又名斷腸草若以毒人急水吞之急死緩水吞
之緩死又曰毒蛇殺之以草覆上以水灌之數日苗

生其上取爲末調酒以毒人始以無患再飲酒即毒
發立死其俗淫婦人多自配合此人與之情相好多
不肯逐此人回陰以藥置食中比還即戒之曰子復
來若從其言即復以藥解之若過期不往必死矣名
曰定年藥若人屆彼亦宜誌之若覺中毒四大不調
即便服之或於雞豚魚羊鵝鴨等肉內下藥再食此
物即觸發其毒急服此藥一粒或吐或下隨手便瘥
一方加雄黃硃砂各五錢亦妙
一方一女子父年病癆瘵命在旦夕爲血尸蟲所噬
磨一粒服之一時間吐下小蟲千條大者正爲兩段

後更服蘇合香圓半月遂愈 別具湯使于后
 菌薑菰子金石也 毒喫疫死牛馬肉河鮑魚毒時行
 瘟疫山嵐瘴氣急喉閉喉纏喉風脾病黃腫赤眼瘡
 癰衝胃寒暑熱毒上攻自縊溺水打折傷死但心頭
 微暖未隔宿者已上並用生薑蜜水磨一粒灌之須
 臾復甦癰疽發背未破魚臍瘡諸般惡瘡腫毒湯火
 所傷百蟲大鼠蛇傷已上並用東流水磨塗并服一
 粒良久覺痒立消打撲損傷折炒松節酒磨下半
 粒仍以東流水磨塗男子婦人顛邪鬼氣鬼胎煖酒
 磨下一圓可分作兩服有毒即吐下自止

苦參圓 治腎水虛少下焦濕熱以致腿足生瘡積年
 不愈及久患血風疥癬或漸成癩風常服補腎水散
 濕熱祛毒瘡風不可盡述

苦參 四兩 防風 荆芥 赤芍藥

白芷 川烏 去皮 生用 川芎 西首烏

獨活 山梔 牙皂 蔓荆子

茯苓 山藥 蒺藜 各一兩 草烏 炮三錢

黃芪 羌活 白附子 各一兩

右為細末麪糊為圓如梧桐子大每服三五十圓空
 心好酒送下如不飲酒以好茶代之日進二三服

麝香輕粉散 治一切癰瘡傷折瘡口不合用藥洗後
以此藥乾摻能肌合口止痛祛風

乳香 三錢

沒藥 三錢

白芷 五錢

五倍子 五錢

輕粉 三錢

國丹 水飛 五錢

麝香 一錢

赤石脂 三錢

檳榔 三錢

當歸 酒浸 五錢

血竭 二錢

海螵蛸 三錢

赤芍藥 五錢

右研為細末摻瘡口邊

內固清心散 治惡瘡熱盛焮腫作痛煩渴此藥解毒

神效

辰砂 另研

茯苓

人參

白豆蔻

雄黃 另研

菴豆

朴硝 另研

甘草 已上各 五錢

皂角 四錢

片腦 另研

麝香 另研各 一錢

右研勻為細末每服一錢不拘時用蜜湯調下

拔毒消腫藥 治諸般癰疽發腫赤痛不可忍未成即

散已成即破用至平復而止

白芨

白斂

荆芥

赤芍藥

黃蘗

當歸

大黃

白芷

南星

赤斂

草烏

赤小豆

高陸

寒水石

煨各 等分

右為細末用地黃汁調塗四畔中留瘡口如未潰遍

塗之或用商陸根汁調亦可

烏龍膏 治一切腫毒收赤暈神效

木鼈子 去殼

半夏 各一兩

水粉

四兩即磨坊
中粉

草烏 半兩

右四味於鐵鉢內慢火炒令焦黑色為細末出火毒
再研細以新汲水調敷一日一換凡上藥必先自外
向裏塗之須留瘡頂出毒氣

雞清散 治癰疽發背丹毒惡腫時行熱毒吹妳急敷

內消

赤小豆

黃藥子

大黃

益硝

皂角

去皮弦
酥炙

木鼈子

去殼研
各等分

右為細末用雞子清調敷

神仙太乙膏 治八發癰疽一切惡瘡軟癰不問年月

深遠已成膿未成膿貼之即效蛇虎蠍犬湯火刀斧

所傷並可內服外貼發背先以溫水洗瘡拭乾用

紙攤藥貼仍用水下血氣不通酒下赤白帶當歸酒

下欬喉閉纏喉風並綿裏噙化一切風赤眼貼太

陽穴後用山柘子湯下打撲傷損貼藥仍用橘皮湯

下諸漏先以鹽湯洗淨并諸瘡癰並量大小以紙攤

藥貼之並每服一圓於圓如櫻桃大以蛤粉為衣其

藥可收十年不壞愈久愈烈神效不可具述

玄參

白芷

當歸

赤芍藥

肉桂 去皮

大黃

生地黄 各一兩

右咬咀用麻油二斤浸之春五日夏三日秋七日冬
十日用文武火熬待白芷焦色離火候冷濾去滓再
熬數沸候油稍温旋旋下好黃丹一斤用柳木棍下
住手攪以藥滴水中不散為度黃丹務要以湯泡過
炒令紫色研之極細方好

追毒萬應鍼頭圓粒即愈

治一切腦背疽惡毒及瘡欲死一

麝香 二錢

血竭

蟾酥

輕粉

硃砂 各三錢

片腦 一錢

全蠍

蜈蚣 各一對全用

右為細末煉蜜和為劑如瘡有頭者用針挑破微有
血出將藥一黍米大內於挑破針眼內上用紙蓋周
圍用津唾黏住不過一時即愈

托裏護心散 治諸疔腫發背曾經汗下毒氣攻心迷
悶嘔吐而痛可服一二服

乳香

明淨者一兩

真菜豆粉

四兩

右研細和勻每服三錢不拘時甘草湯調服
神效蠟鑿圓 治一切癰疽發背及腸癰痔漏神效此

藥不問老幼皆可服之無不作效最止疼痛不動臟

黃蠟

要黃色好者七錢

白礬

要明者一兩研為細末

右將蠟用慢火鎔化離火入礬末和勻眾手乘熱圓如梧桐子大每服二十圓漸加至三五十圓食遠用溫白湯送下

猪蹄湯 治一切癰疽腫毒惡肉膿血不淨便須用

湯頻洗為妙

香白芷

不見火

黃芩

赤芍藥

露蜂房

當歸

去蘆

羌活

生甘草

各等分

右咬咀看疽大小用藥如疽大加料用先將猪前

蹄兩隻一斤只用白水三升煮軟將汁分作二次澄去面上油花及下面肉滓每次用藥一兩投汁中再用文武火煎十數沸去滓以舊軟絹帛蘸藥湯溫溫徐徐揩瘡上死肉惡血隨洗而下淨洗訖以帛搥仍避風忌人口氣吹之有狐臭人并月經見行婦及猫犬並不許入病人房洗瘡切勿以手觸着洗瘡之方所傳甚多惟此方極效其用露蜂房有理蓋以毒驅毒者也

返魂丹 治十三腫疔瘡

硃砂

膽礬

各一兩半

血竭

銅綠

蝸牛 生用各一兩

雄黃

白礬 枯各二兩

沒藥

蟾酥 各半兩

麝香 少許

輕粉 半兩

右將蝸牛蟾酥研爛餘藥研為細末同研和圓如雞頭實大每服一圓令病人先嚼蔥白三寸吐在手心內將藥圓裏在蔥內用熱酒一盞吞下如重車行五里許有汗出即瘥如不能嚼將蔥研爛裏藥服有效驗

生肌紅玉散

治諸瘡蝕爛不生肌肉及金瘡出血并

杖瘡火瘡俱治之

寒水石

煨三錢

黃丹

五分

右為細末乾摻患處一方有龍骨輕粉各一錢治法同

十四味臙瘡膏

治臙瘡久不愈及刀斧傷損湯燙杖

瘡皆可治之甚妙

清油 一兩

黃蠟

二錢 遇夏天加一錢

銀硃

黃丹 各一錢

乳香

另研

沒藥

另研

黃連

當歸 用鬚

血竭

龍骨

另研

黃蘗

輕粉

各五錢 冷定下另研

瘡患四五年不愈者方加猪羊膽 各一箇

右為細末先將蠟油用瓦器鎔沸先下銀硃黃丹次

下乳香等七味用竹棒攪冷定方下輕粉仍攪勻為膏用油紙攤量瘡大小貼患處効不可盡述止可用温茶湯洗淨貼

如聖散 治肺臟風毒血氣凝滯瘡疥瘙痒搔之皮起作痂此藥活血脉潤皮膚散風邪止瘙痒

蛇床子

取末五錢

黃連

取末七錢半

胡粉

一兩

水銀

二錢半同胡粉研令黑

右四味同研勻用香油調和稀滑先以鹽漿水洗淨後以藥塗之乾即再換神異膏 治一切瘡疥

全蠍

七箇去毒

皂角

一錠搥碎

巴豆

七箇去殼

蛇床子

取末三錢

香油

一兩

黃蠟

半兩

輕粉

半字

雄黃

三錢另研細

右件先用全蠍皂角巴豆煎油變色去粗入蠟化稠取出冷處入雄黃輕粉蛇床和勻成膏每用少許瘡上須先煎苦參湯洗過然後擦藥

苦參湯方

苦參

蛇床子

白礬

研

荆芥

各等分

右以咀煎湯放温洗

治漏瘡

右以五倍子末和血竭末填塞之効

飛龍奪命丹 專治疔瘡發背腦疽乳癰疽附骨疽一切無頭腫毒惡瘡服之便有頭不痛者服之便痛已成者服之立愈此乃惡證藥中至寶病危者服之立可矣萬無失一此乃傳家之祕方一生受用不敢輕洩神速之驗即愈立効

蟾酥

二錢乾者老酒化

血竭

一錢

乳香

沒藥

二錢

雄黃

三錢

輕粉

半錢

膽礬

麝香

半錢

銅綠

二錢

寒水石

一錢

硃砂

一錢為衣

海羊

二十一箇蝸牛即是連殼用之

腦子

半錢無亦可

天龍

一條酒浸炙黃去頭足

右為細末先將海羊研為泥和前藥為圓如菉豆大如圓不就入酒打麪糊為圓每服二圓先用蔥白三寸令病人嚼爛吐於手心男左女右將藥圓裹在白內用無灰熱酒三四盞送下於避風處以衣蓋之約人行五里之久再用熱酒數盃以助藥力及太汗出為度矣

初覺二圓即消如汗不出重者再服二圓汗出即効三五日病重者再服二圓即愈如疔瘡走黃過心者難治之汗出冷者亦死矣如病人不能嚼蔥搗碎裹藥圓在內熱酒送下瘡在上食後服瘡在下食前服

服此藥後忌冷水黃瓜茄子油膩雞魚肉濕麪一切
發風發瘡毒類之物不可食之又忌婦人洗換狐臭
百發百中此藥活人多矣

歌曰

血竭蟾酥輕粉

雄黃銅綠硃砂

膽礬寒水麝香加

三七海羊研化

專治疔瘡惡毒

腦疽發背無差

如菜豆大二圓佳

細嚼蔥酒送下

衣被蓋之汗出

返魂救死堪誇

神仙傳與世人

奪命金丹無價

立馬回疔丹 治疔瘡走胤不止

金脚信

蟾酥

血竭

硃砂

沒藥已上各半錢

輕粉

龍腦

麝香已上各

右為細末用生草烏頭汁和作錠子如麥粒大甲
將瘡頂刺破將藥一錠於瘡口內藥三日瘡腫

隔紙膏 治內外腫瘡

當歸

白芷

黃連

五倍子

雄黃

沒藥

血竭

海螵蛸

白芨

白斂

黃蘗

厚朴已上各五錢

黃丹六錢

乳香二錢五分

輕粉一錢

右為細末研勻用清油調成膏用油紙貼藥傳瘡上
絹帛縛定有膿水解開刮去不潔再貼藥如此數次
即愈須先用燒鹽湯洗淨片帛拭乾待片時水氣乾
然後貼藥

神效當歸膏 治湯火瘡初起癰漿熱毒侵展焮赤痛
毒氣壅盛腐化成膿此藥斂口生肌拔熱毒止痛

當歸

黃蠟

各一兩

麻油 四兩

右將當歸入油煎令焦黑去滓次入黃蠟急攪化
冷以磁盒盛用時以布帛紙攤貼一方用白蠟
蛤粉散 治湯火傷

右以蛤蜊殼不拘多少炙焦黃色搗為細末用生油
調和如膏傳之如水仍無痕一方以蜜水調傳之疼
立止不膿不瘕吳內翰居鄉中鄰家釜翻小兒
頭至踵皆傷急以傳之啼立止遂無恙唯纔傷
用即效少緩即不及當預先合以備用耳

雞黃油 治湯火傷

右用雞子煮熟去白用黃於銀石鍋內炒乾再炒直
待都化作油去火毒毛翎掃下入韶粉夜明沙為末
香油調傳濕則乾摻之

南星膏 治皮膚頭面上瘡瘤大者如拳小者如粟或

軟或硬不疼不痛可用神効

右用生大南星一枚細研入米醋五七滴為膏攤紙

上貼患處如無生者用乾南星為細末醋調貼先將

小針刺瘡瘡上令透氣却以藥量大小貼之神効

桔梗湯 治男子婦人欬而胃膈隱痛兩脚腫滿因乞

口燥煩悶多渴時出濁唾腫臭名曰肺癰小便

大便多澁

桔梗

貝母

當歸

酒浸

栝蒌仁

枳殼

麩炒

薏苡仁

微炒

桑白皮

甘草節

防已

去粗皮
各一兩

百合

蒸

黃芪

各一兩半

北五味子

甜葶藶

地骨皮

知母

杏仁

各半兩

右剉碎每服四錢水一盞半生薑三片煎七分不拘

時溫服欬者加白藥煎熱加黃芩大便不利加皂

黃少許小便澁甚加木通車前子煎煩躁加白芷

煎欬而疼甚加入參白芷煎

四順湯 治肺癰吐膿五心煩熱壅悶咳嗽

貝母

去心

紫菀

去苗

桔梗

炒各一兩

甘草

炙半兩

右搗篩每服三錢水一盞煎五七沸去粗不拘時稍

冷服如咳嗽甚加去皮尖杏仁三枚同煎小兒量減

黃蠟膏 治冬月手足折裂

右用清油半兩盞內慢火煎沸入黃蠟一塊同煎鎔入光粉五倍子末少許熬令稠紫色為度先以熱湯洗火上烘乾即用藥傅以紙貼之其痛立止入水亦不落若合藥入粉多則硬而成塊旋以火炙動挑傅不妨一方無五倍子

摩風膏 摩風止痒消腫定疼治頭面唇鼻諸瘡裂破

當歸 一盞 白芷 杏仁 去皮 桃仁 去

藿香 去土 檀香 零陵香 川芎 各三錢

沉香 木香 白附子 天麻

獨活 白芨 白欵 各一錢半 黃芪 去粗皮二錢

防風 茅香 白芍藥 甘草 各二錢半

木通 二錢 栝萋 種剉一箇 龍腦 四錢研 黃蠟 夏

右剉藥用清油二斤二兩浸七日淨石器銀器上火煎候白芷微黃綿濾去粗於淨磁罐內密封一宿再濾過於磁盤中慢火再輕溫熬動次下黃蠟攪勻放溫次下研細龍腦摻面於磁盆內盛每用少許摩擦患處

天南星膏 治風毒癰癤

天南星 一兩 厚黃藥 半兩 赤小豆 二錢半

皂角

一挺不蛀者
燒灰存性

右為細末以新汲水調成膏皮紙貼之已結即破未結即散之立効

神異膏

治發背癰疽諸般惡毒癰其効如神治疽

疾先以麥飯石膏塗傅俟其瘡根脚漸收止於徑寸

大却用神異膏貼之收口此藥隨其人病深淺

合時不可與婦人雞犬猫厭穢物見之

玄參

半兩

綿黃芪

一分

杏仁

去皮尖
切一兩

全蛇蛻

焙上

男子亂髮

洗淨焙乾
半兩

露蜂房

淨剉一兩用有
蜂兒者為妙

黃丹

飛羅細
五兩

真麻油

一升

右將麻油同髮入銀鈔中文武火熬候髮焦鎔盡以杏仁投入候變黑色用好綿濾去滓再將所熬清油入鈔內然後入玄參黃芪慢火熬一二時取出

安冷爐上半時久火力稍息旋入露蜂房蛇蛻二

將柳枝急攪却移鈔於火上不住手攪慢火熬

黃色用綿濾過復入清油在鈔內乘冷投黃丹急攪

片時又移鈔於火上以文武慢火熬不住手柳枝攪

千餘轉候藥油變黑色滴於水中凝結成珠則是膏

成就若珠子稀再熬少時必候其得所然後磁器內

收封待用或恐偶然熬火太過稍硬難於用却少將

蠟熬麻油在內以磁器盛封蓋於甌上蒸乘熱攪調
收用膏藥熬成了須連所盛磁器置淨水中出火毒
書夜歇三日方可用日換兩次夜換一次熬此膏
藥極難於火候須耐煩看火緊慢火猛則藥中火發
不特失藥性又傷人面目救助不及千萬謹戒膏藥
方甚多不下數十治疽之時神效無出於此方于
不換杖瘡尤妙

金絲萬應膏

治擗撲傷損手足肩背并寒濕脚氣

痛不可忍小兒脾疳瀉痢欬嗽不肯服藥者

瀝青

二斤半

威靈仙

二兩

蓖麻子

一百枚去皮殼研

黃蠟

二兩

木鼈子

二十八枚去殼切片研

沒藥

乳香

各一兩別研

麻油

夏一兩春秋二兩冬一兩

石先將瀝青同威靈仙下鍋熬化以槐柳攪候其

色重綿濾過以瀝青入水盆候冷成塊取出秤三

淨再下鍋鎔開下麻油黃蠟木鼈子泥不仕

槐柳枝攪勻須慢火滴入水中不黏手扯拔如金絲

狀方可如硬再旋加油少許如軟加瀝青試得如法

却下乳沒末起鍋在灰火上再用槐柳條攪數百次

又以麤布濾膏在水盆內扯拔如金絲頻換水浸二

日却用小銚盛頓如落馬隊車於被傷疼痛處火上

灸熱貼透骨肉為驗連換熱水數次浴之則熱血聚處自消小兒脾疳貼患處瀉痢貼肚上咳嗽貼背心

上
秘方善應膏

治諸惡瘡腫毒發背腦疽癰子打撲接骨閃肭刀傷杖瘡蛇蟲毒犬馬咬傷湯火漆瘡疥癬貼之即愈吹乳圓如梧桐子大新汲水下二十圓癰腸癰亦圓吞服酒米飲或桔梗甘草湯皆可下可犯葷腥手及火焰

黃丹 八兩

白膠香

沒藥

乳香

並另研

當歸

白芷

杏仁 去皮尖

大黃

草烏

川烏

赤芍藥

檳榔

生地黄

川芎

瀝青

另研入

亂髮

淨洗冬一兩

右除乳末白膠香瀝青丹外將瓷石鈹盛真油

浸藥一宿慢火煎熬黑色再入蔥白亂髮煎少時

絹濾去粗留下一兩藥油復將濾油於慢火上却

丹入油內用長條柳枝槐枝不住手攪候有微煙却

滴水成珠為度再攪無煙出却入乳沒膠香瀝青攪

勻傾入瓷器內將留下香油一併收入器內坐新汲

水中浸三日一日一換水出火毒方可用如膏藥硬約

量加蠟香油熬攪勻得所煎膏藥最難須耐煩看

火緊慢倘火猛則藥中火起不可不小心謹慎

援生膏 治諸般惡瘡及癩癧鼠瘡纒起者點破即愈

血竭 一錢 蟾酥 三錢 麝香 五分 雄黃 五錢

輕粉 三錢 乳香 三錢 沒藥 二錢

右用蕎麥糶灰或真炭灰一斗三升淋灰湯八九碗

用粟柴或桑柴文武火煎作三盤取一盤收留罈

盃盛於好磁器內候溫將前七味藥碾為極細末

灰湯內用鐵瓢或桑柳枝右攪又用上好細石灰一

盃藥灰湯攪勻取出候冷過宿盛於小白磁罐內凡

遇諸惡瘡點在當頭一日二次次日又一次瘡頭食

破約五分血水出為妙恐日久藥乾將前收留灰湯

和用

神效散 專治發背癰疽一切疔毒并癩癧等症

成患者效驗不可備述

川烏 火內炮裂紋為度 川黃蘗 火炙去粗皮

右二味為細末後各等分用小兒或大人唾津調

膏如唾少漱口水亦可發背癰疽等瘡纒起者數於

患處留頭候藥乾用淘米水時常潤濕每日換藥

一次如瘡已成重患將潰爛者先將槐枝艾葉煎湯

頓溫將瘡洗淨用絹帛展去膿血以香油潤患處

綿紙仍照患處剪成圓錢留頭貼上後用藥塗於紙
 如乾依前用淘米水潤日換一次聽其自然流膿不
 可手擠如敷藥後病人瘡覺住疼減熱即愈如生肌
 則腐肉自落腐而不落者剪割亦可最不宜用針發
 背不宜貼膏藥凡醫瘡屏去別醫止飲別藥可治已
 氣怒房事勞復并孝服體氣飲酒之人飲食忌酒
 羊雞魚肉瓜茄薑辣之物若因氣怒反復發腫者
 前治之如治對口并腦疽不必洗去舊藥逐次
 恐動瘡口惹風也
 是齋立應散 治瘰癧神效已破未破皆可服

連翹

赤芍藥

川芎

當歸

甘草

炙

滑石

研各半兩

黃岑

三錢

白牽牛

生散

土蜂房

蜜水洗飯上蒸日乾各二錢半

地膽

去頭翅足用米黃為度去米

川烏尖

七箇

右為細末每服抄一大錢匕濃煎米通湯調下
 服毒根從小便中出澁痛不妨毒根如粉片塊血
 肉是也如未効後再服繼以薄荷丹解其風熱且地
 膽性帶毒濟以烏尖或衝上麻悶不能強制嚼蔥
 一寸茶清下以解之如小便澁燈心煎湯調五苓散
 服瘡處用好膏藥貼若瘰癧疽用此宣道守惡毒本方

去黃芩不用

薄荷丹 解瘰癧風熱之毒自小便宣毒後常須服

杜薄荷

皂角

不蛀者
去弦皮

連翹

何首烏

蔓荊子

京三稜

煨

荊芥

各一兩

右為末好豉二兩半以米醋煎沸洒豉淹令軟研

糊和圓如梧桐子大每三十圓食後熟水下日

病雖愈常服之

金線錠子

此藥乃牙疳之神藥也不逾日取效

人言

錢製

雄黃

二錢半

乾胭脂

半錢

飛羅麩

右為細末滴水為劑槎成條子用米泔水漱淨齒次

用錠搯如米粒大貼之曾試累有驗
一掃光

硫黃

九錢

人言

一錢製

巴豆

去殼
十粒

草烏

荊芥穗

一錢

白礬

枯三錢

右為細末先用草火熏體後用猪脂油調搽

藥性緊不便處不可多搽

藥性論云...

本草綱目卷之...

白礬石

白礬石

一斗

用



